

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 40, 41. stav (3) i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 112. sjednici, održanoj 12.01.2026. godine, d o n o s i

O D L U K U

o usvajanju Programa utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 003, Budžeta Zeničko-dobojskog kantona za 2026. godinu, pozicija „Tekući transferi neprofitnim organizacijama“-Tekući transfer za kulturne manifestacije i izdavačku djelatnost“ - izvor 10

Član 1.

(Predmet)

Usvaja se Program utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 003, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), pozicija „Tekući transferi neprofitnim organizacijama“- „Tekući transfer za kulturne manifestacije i izdavačku djelatnost“ - izvor 10, u ukupnom godišnjem iznosu od 350.000,00 KM (slovima: tristotinepedesethiljada konvertibilnih maraka), koji čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžetu Zeničko-dobojskog kantona odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-36-747/26

Datum, 12.01.2026. godine

Zenica

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

**PREMIJER
po ovlaštenju**

Dženana Čišija

P R O G R A M

utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 003, Budžeta Zeničko-dobojskog kantona za 2026. godinu, pozicija „Tekući transferi neprofitnim organizacijama“- „Tekući transfer za kulturne manifestacije i izdavačku djelatnost“ -izvor 10

Član 1.

(Svrha Programa)

Svrha ovog programa je da se sredstva u razdjelu 22, budžetska organizacija 01, potrošačka jedinica 0001, Budžeta Zeničko-dobojskog kantona za 2025. godinu, ekonomski kod 614300, subanalitika MAX 003, pozicija „Tekući transferi neprofitnim organizacijama“- „Tekući transfer za kulturne manifestacije i izdavačku djelatnost“ koriste za:

- a) projekte iz oblasti kulturnih manifestacija i izdavačke djelatnosti,
- b) primjenu Zakona o samostalnim umjetnicima.

Član 2.

(Visina sredstava)

Visina sredstava utvrđenih ovim programom iznosi: 350.000,00 KM (slovima: tristotinepedesethiljada konvertibilnih maraka).

Član 3.

(Izvori sredstava)

Izvori sredstava: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614300, subanalitika MAX 003, pozicija „Tekući transferi neprofitnim organizacijama“- „Tekući transfer za kulturne manifestacije i izdavačku djelatnost“.

Član 4.

(Kriteriji raspodjele sredstava)

Kriteriji raspodjele sredstava su:

- a) kvalitet cilja projekta,
- b) očekivani rezultati od realizacije projekta,
- c) analitičnost budžeta projekta,
- d) ravnomjernost izabranih projekata po općinama Kantona,
- e) praćenje savremenih tokova književnosti i kritičko-teorijskih trendova,
- f) afirmacija domaće književnosti,
- g) značaj za Zeničko-dobojski kanton,
- h) državni i međunarodni značaj,
- i) promovisanje tradicije i kulturu naroda u Bosni i Hercegovini iz svih oblasti kulturnog i umjetničkog stvaralaštva
- j) rješenja Ministarstva za obrazovanje, nauku, kulturu i sport o priznavanju prava samostalnih umjetnika na uplatu doprinosa za penzijsko, invalidsko i zdravstveno osiguranje i nezaposlene iz Budžeta Zeničko-dobojskog kantona.

Član 5.
(Korisnici sredstava)

Korisnici sredstava koji primaju sredstva sa Transfera su nevladine organizacije i ustanove kulture koji ispune uslove javnih poziva za sufinansiranje projekata iz oblasti kulture i izdavaštva koji će se realizovati na području Zeničko-dobojskog kantona, kao i samostalni umjetnici koji su u ostvarili pravo na uplatu doprinosa iz Budžeta Zeničko-dobojskog kantona.

Član 6.
(Distribucija sredstava)

Distribucija sredstava vršit će se u iznosima i dinamikom na osnovu javnih poziva i odluka Vlade o raspodjeli sredstava sa razdjela 22, budžetska organizacija 01, potrošačka jedinica 0001, ekonomski kod 614300, Budžeta Zeničko-dobojskog kantona za 2026. godinu, pozicija „Tekući transferi neprofitnim organizacijama“- „Tekući transfer za kulturne manifestacije i izdavačku djelatnost“.

Član 7.
(Realizacija Programa)

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija svako u okviru svojih nadležnosti.

Član 8.
(Izveštaj o namjenskom utrošku sredstava)

Korisnici sredstava Budžeta Zeničko-dobojskog kantona namijenjenih za ovaj transfer dužni su resornom ministarstvu dostaviti izvještaj o namjenskoj upotrebi odobrenih sredstava.

Član 9.
(Izveštaj o realizaciji Programa)

Izveštaje o utrošku sredstava Ministarstvo za obrazovanje, nauku, kulturu i sport dužno je polugodišnje dostavljati Vladi Zeničko-dobojskog kantona i Ministarstvu finansija.

Broj: 02-36-747/26
Datum, 12.01.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.